

समे .1815

<><><><><><>

Headlines

1. प्रधानमंत्री नरेन्द्र मोदी होर कल नमीं दिल्ली दे भारत मंडपम च सोल लीडरशिप कान्क्लेव दे पैहले संस्करण दा उद्घाटन करगन।
2. मुख्यमंत्री उमर अब्दुल्ला होरें विद्यार्थिएं ते अध्यापकें गी आखेआ जे ओह अपने सोचने दे रिवायती नजरियै च बदलाव आन्नन। डिजाइन योर डिग्री तैहत अपनी शैक्षिक यात्रा गी सशक्त करन।
3. ट्रांसपोर्ट मंत्री समीश शर्मा होरें चुने गोदे विधायकें ते अधिकारिं बशकार मजबूत साथ सैहयोग पर जोर दिज्जा।
4. रेखा गुप्ता होरें अज्ज दिल्ली दे रामलीलस मैदान च दिल्ली दी मुख्यमंत्री दे तौर पर संगंध लैती।
- 5 भारतीय राष्ट्रीय आपदा प्रबंधन प्राधिकरण हवाई अड्डा प्राधिकरण जम्मू नै रैलियै इक आपदा प्रबंधन दा इक आरजी अभ्यास कीता।

<><><><><><>

PM Soul Conclave

प्रधानमंत्री नरेन्द्र मोदी होर कल यानि 21 फरवरी गी नमी दिल्ली दे भारत मंडपम च SOUL लीडरशिप कॉन्क्लेव दे पैहले संस्करण दा उद्घाटन करडन। भूटान दे प्रधानमंत्री दाशो शेरींग तोबगे मुख परौहने दे तौर पर मुख भाषण देडन। दो दिन दा SOUL लीडरशिप कॉन्क्लेव इक प्रमुख मंच दे तौर पर कम्म करौग, जित्थे राजनीति, खेड, कला ते मीडिया, आध्यात्मिक दुनिया, सार्वजनिक नीति, व्यवसाय ते सामाजिक क्षेत्र जनेह बक्ख-बक्ख क्षेत्रें दे नेता अपनी प्रेरक जीवन यात्राएं दे तजुर्बे सांझे करडन। एहदे नै उंदिएं कामयाबिं, उपलब्धिं, नाकामिं-गलतिं सोयां सिक्खने दा मौका थोग ते कन्नै युवा दर्शकें गी प्रेरणा मिलौग।

<><><><><><>

CM-Workshop

मुख्यमंत्री उमर अब्दुल्ला होरें जम्मू यूनिवर्सिटी च राष्ट्रीय शिक्षा नीति 2020 लेई नमिं काहडें सरबंधी शिक्षा विज्ञान, नमिं काहडें ते क्षमता निर्माण उपपर त्रुं दिने दी कार्यशाला दे उद्घाटनी सत्र च शामिल होए। इस मौके बोलदे होई मुख्यमंत्री होरें आखेआ जे डिजाइन योर डिग्री विद्यार्थिं ते अध्यापकें दौनें दे बचारें च बदलाव दी मंग करा'रदे, जिस कन्नै शिक्षा हासल करने सरबंधी यात्रा च सिक्खने पढ़ने आले सशक्त होई सकन। उनें आखेआ जे लोकें गी जलवायु परिवर्तन बारे जागरूक बनाने दी फौरी तौरा पर जरूरत ऐ। वैश्विक चुनौतिं थमां पार पाने लेई नेताएं दी जिम्मेवारी ऐ जे इस लेई ध्यान दित्ता जा।

<><><><><><>

यातायात मंत्री सतीश शर्मा होरें उधमपुर दे उपायुक्त दफ्तर परिसर दे कांफ्रेंस हाल च इक बैठक दी अध्यक्षता कीती। मंत्री होरें पीडब्ल्यूडी, स्वास्थ्य, आरडीडी, शिक्षा, राई-बाई अलावा जल जीवन मिशन, पीडीडी ते होरने प्रमुख विभागें आस्सेआ चलाई दी परियोजनाएं दे कम्में दा जायजा लैता। मुत्तलका हल्कें थमां विधायकें

बक्ख-बक्ख मुद्दे ते मंगां रखियां। इस मौके बोलदे होई सतीश शर्मा होरें चुने गेदे विधायकें ते अफसरें बश्कार मजबूत तालमेल दी जरूरत पर जोर दित्ता ते उनें आखेआ

<><><><><><>

COAS-JK Situation

सेना प्रमुख उपेंद्र द्विवेदी होरें आखेआ ऐ जे 2014 कोला लेइयै भारत पाकिस्तान कन्नै नियंत्रण रेखा बारै साफ स्पष्ट तौरा पर गल्ल करदा आवा'रदा ऐ ते बन्ने पारा कुसै बी चाल्ली दी शरारत दा पूरी तगड़ेयाई कन्नै बनकदा परता दिंदा ऐ। उनें आखेआ जे अगस्त 2019 च दफा 370 दे हट्टने दे बाद आतंकवादिऐं दी गिनतरी ते मकामी नौजवानें दे आतंकवाद च शामिल होने च खरी मती कमी आई ऐ ते लोकें दी अपनी पंछान गी लेइए बेजकीनी पूरी चाल्ली खत्म होई चुकी दी ऐ। इस समाचार एजेंसी कन्नै गल्ल करदे होई सेना प्रमुख होरें आखेआ जे 370 हटाए जाने दे बाद संगठन कोला बाहर रेइयै आतंकवादिऐं दी मदद करने आहले ओवर ग्राउंड वर्करें आहला मुद्दा बी हून खत्म होई चुके दा ऐ। उनें आखेआ जे सुरक्षाबलें दे सांझे जत्नें दी बदौलत कश्मीर गी आतंकवाद कोला सैलसफा आहली बक्खी नमीं दिशा देई दित्ती गेदी ऐ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उपपर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Delhi New CM

भारतीय जनता पार्टी दी पैहली बारी दी विधायक रेखा गुप्ता होरें अज्ज दिल्ली दे रामलीला मैदान च दिल्ली दी मुखमंत्री दे तौर पर संगंध लैती। दिल्ली दे उपराज्यपाल विनय कुमार सक्सेना होरें उनें गी औहदे ते राजदारी दी संगंध दोआई। मुखमंत्री हुन्दे कन्नै 6 कैबिनेट मंत्रियें-प्रवेश साहिब सिंह, आशीष सूद, मनजिंदर सिंह सिरसा, रवींद्र इंद्राज सिंह, कपिल मिश्रा ते पंकज कुमार सिंह होरें बी संगंध लैती। प्रधानमंत्री नरेंद्र मोदी, केंद्रीय गृह मंत्री अमित शाह, रक्षा मंत्री राजनाथ सिंह ते केई केंद्रीय मंत्री इस अवसर पर मौजूद हे। केई राज्यें दे मुखमंत्रियें ते उपमुखमंत्रियें बी समारोह च शिरकत कीती। भाजपा दी सुषमा स्वराज, कांग्रेस दी शीला दीक्षित ते आम आदमी पार्टी दी आतिशी हुन्दे मगरा श्रीमती रेखा गुप्ता, दिल्ली दी चौथी ते भाजपा दी दूई महिला मुखमंत्री बनी गेईयां न। प्रधानमंत्री नरेंद्र मोदी होरें रेखा गुप्ता होरें गी दिल्ली दी मुखमंत्री दे तौर पर संगंध लैने पर बधाई दिती। सोशल मीडिया पोस्ट च श्री मोदी होरें आखेआ जे ओह जमीनी स्तर सोयां आईयां न। श्रीमती गुप्ता, कैपस राजनीति, राज्य संगठन, नगर निगम प्रशासन च भी सक्रिय रेईयां न। प्रधानमंत्री होरें विश्वास जाहिर कीता जे रेखा गुप्ता दिल्ली दे विकास आस्तै पूरी ताकत कन्नै कम्म करडन।

<><><><><><>

Mock Drill

भारतीय राष्ट्रीय आपदा प्रबंधन प्राधिकरण हवाई अड्डा प्राधिकरण जम्मू नै रलियै 18 ते 19 फरवरी गी इक आपदा प्रबंधन दा इक आरजी अभ्यास कराया। भूचाल दा आरजी अभ्यास लेई सबै हित्त धारकें, बक्ख-बक्ख अजेंसिए हिस्सा लैता। जम्मू कश्मीर आपदा प्रबंधन विभाग कुसै बी आपदा आले हालात थमां निबड़ने लेई वचनें

बज्जी दी ऐ ते इस चाल्ली दी तैआरी सरबंधी अभ्यास करोआंदी रोंह्दी ऐ। दऊं दिनें दे इस अभ्यास च बक्ख-बक्ख हित्त धारकें अपनी क्षमताएं, प्रक्रिया ते असरदार तौर तरीके ते समें सिर तालमेल कन्नै आपदा प्रबंधन दे बारे इक्कै मंच पर जानकारी सांझा कीती।

<><><><><><>

नमें ओने गेदे कनूनें दे बारे चला'रदी जागरूकता दे इक्कै हिस्से दे तौरा पर रियासी दे जनरल जोरावर सिंह डिग्री कालेज च इक जानकारी आधारित जागरूकता कार्यक्रम लोआया गेआ। इस दा मकसद सरकार आस्सेआ त्रऊं नमें कनूनें दे बारे विद्यसर्थिएं, अमले ते आम जनता गी जागरूकता बनाना हा। जागरूकता कार्यक्रम च प्रेसनटेशन, पैनल डिसकशन ते ओपन हाउस इंटेग्रेसन शामिल हा जिस च उत्थें मजूद लोकें गी इस मुद्दे उप्पर मती जानकारी थोई। रियासी दे अतिरिक्त उपायुक्त राकेश कुमार होर इस मौके मुख्य परौहने हे, मीडिया कन्नै गल्ल करदे होई उनें अपने बचार प्रगट कीते

<><><><><><>

स्थानीय प्रतिमा ते उद्योग बिच्च बित्थ गी पूरने दे उद्देश्य कन्नै इक्क ऐतिहासिक पैहल च कठुआ जिला प्रशासन अपने सभ्मनें शा बड्डे रोजगार मेले दे आयोजन आस्तै तैयार ऐ। एह मेला कल यानि 21 फरवरी गी आयोजित कीता जाग ते इस मेले च हुनरमंद ते पढ़े-लिखे दे नौजवानें गी 1 जहार कोला कम्म-रोजगार दे मौके उपलब्ध कराए जाडन। मेले च गोदरेज, वरुण बेवरेजज, क्रीम बैल, जीवन बीमा निगम ते होर कई प्रमुख औद्योगिक इकाइयां शामिल होंगन। कठुआ जिले दे डिप्टी कमिशनर डॉ. राकेश मन्हास होरें मेले च थोने आहले रोजगार दे मौके गी रेखांकित करदे होई आखेआ जे एह मेला कठुआ च होने आहला अपनी चाल्ली दा पैहला कार्यक्रम होग जेदे च बक्ख-बक्ख उद्योग इक्क जगह पर किट्टे होइयै रोजगार दे मौके उपलब्ध कराडन। कठुआ था विधायक डा. भारत भूषण ते बिलावर था विधायक सतीश शर्मा होरें आखेआ

<><><><><><>

Badhaal-Quarantime

राजौरी जिले दा बडाल ग्रांस जित्थे पिछले दिसंबर ते जनवरी म्हीने दौरान कुसै अंजान बमारी कारण 17 लोकें दी मौत होई गई ही ते मगरा ग्रांस खाली कराइए लोकें गी दुई थाहरें लेजाया गेदा हा, उत्थे 13 लोकें दा खीरी जत्था बी कल ग्रांस परतोई आया ऐ। लोकें दी मौत दी अस्सल वजह अजें बी पता नेई लग्गी सकी ऐ, पर माहिरें दा एह मनना ऐ जे उंदे खाने-पीने च दमनतवजव•पद जानी इक किस्मै दा जैहर एहदी वजह होई सकदा ऐ। ग्रांस खाली करियै होरनें थाहरें रक्खे गेदे सभ्मनें 395 बसनीकें गी वापस अपने घरें भेजी दिता गेदा ऐ।

<><><><><><>

